


# **Vischnaunca da Medel/Lucmagn**



**Lescha da taglia  
per la  
vischnaunca da Medel/Lucmagn**

## ***I. Disposiziuns generalas***

- Art. 1 Object  
2 Dretg subsidiar

## ***II. Dretg material***

### ***1. Taglia sin las entradas e sin la facultad***

- 3 Pei da taglia

### ***2. Taglia sin midada da maun***

- 4 Tariffa da taglia

### ***3. Taglia sin schischom***

- 5 Tariffa da taglia

### ***4. Taglia d'ierta e sin donaziuns***

- 6 Tariffa da taglia

### ***5. Taglia da tgauns***

- 7 Object da taglia  
8 Subject da taglia  
9 Deliberaziun da taglia  
10 Calculaziun dalla taglia

## ***III. Dretg formal***

### ***1. Autoritads***

- 11 Suprastonza communal  
12 Uffeci communal da taglia

### ***2. Incassament***

- 13 Scadenza  
14 Termin da pagament  
15 Relasch ed amortisaziun administrativa da taglia

### ***3. Indemnisaziun***

- 16 Indemnisaziun per incassament

## ***IV. Disposiziuns finalas***

- 17 Entrada en vigur

## I. Disposiziuns generalas

---

### Art. 1 Object

<sup>1</sup> La vischnaunca da Medel/Lucmagn impona las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin il gudogn entras la vendita da schischom;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom;
- f) ina taglia d'ierta e sin donaziuns.

<sup>2</sup> La vischnaunca da Medel/Lucmagn impona las suandontas taglias tenor questa lescha:

- a) ina taglia da tgauns.

<sup>3</sup> La vischnaunca da Medel/Lucmagn impona plinavon las suandontas taglias tenor la legislaziun speciala:

- a) ina taxa da hosps;
- b) ina taxa da turissem.

### Art. 2 Dretg subsidiar

Aschilunsch che questa lescha cuntegn negina regulaziun, vegnan las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia applicadas conform al senn.

## II. Dretg material

---

### 1. TAGLIA SIN LAS ENTRADAS E SIN LA FACULTAD

### Art. 3 Pei da taglia

<sup>1</sup> La taglia sin las entradas e sin la facultad vegn imponida en ina procentuala dalla taglia cantunala semplia.

<sup>2</sup> La radunonza communal decide il pli tard il december il pei da taglia per igl onn fiscal suandont.

2. TAGLIA SIN MIDADA DA MAUN

**Art. 4 Tariffa da taglia**

La taglia sin midada da maun importa 2%.

3. TAGLIA SIN SCHISCHOM

**Art. 5 Tariffa da taglia**

La taglia sin schischom importa maximalmein 2 promils.  
La radunonza communal fixescha il pli tard il december il pei da taglia per igl onn fiscal suandont.

4. TAGLIA D'IERTA E SIN DONAZIUNS

**Art. 6 Tariffa da taglia**

La taglia d'ierta e sin donaziuns importa:

- a) per il tschep dils geniturs 5%
- b) per il tschep da tat e tatta 10%
- c) per las ulteriuras persunas benefiziadas 15%

5. TAGLIA DA TGAUNS

**Art. 7 Object da taglia**

Per mintga tgaun ch'ei pli vegls che treis meins e che vegn tenius sin territori communal ei da pagar ina taglia.

**Art. 8 Subject da taglia**

Obligau da pagar taglia ei il possessur dil tgaun. Il possessur ei obligaus d'annunziar siu animal alla vischnaunca enteifer 30 dis.

**Art. 9 Deliberaziun da taglia**

Deliberai da pagar la taglia ein possessurs per:

- a) tgauns da polizia;
- b) tgauns da lavina;
- c) tgauns per tschocs sco era per suords.

## **Art. 10   Calculaziun dalla taglia**

<sup>1</sup> La taglia importa pigl empren tgaun 120.— francs, per mintg'ulteriur tgaun ella medema casada 180.— francs per onn. La suprastonza communal ei cumpetenta d'adattar quellas tariffas alla carischia.

<sup>2</sup> Sch'il tgaun vegn buca tenius durant gl'entir onn sil territori communal, vegn la taglia debitada pro rata, silmeins per treis meins.

<sup>3</sup> La taglia sto vegnir pagada annualmein.

## **III.       Dretg formal**

---

### **1.       AUTORITADS**

#### **Art. 11   Suprastonza communal**

La suprastonza communal decida:

- a) davart damondas da levgiament fiscal;
- b) davart la participaziun a cunvegns da dretg vicendeivel dil cantun en caussas da taglia sin l'ierta e sin donaziuns.

#### **Art. 12   Uffeci communal da taglia**

<sup>1</sup> L'execuziun da questa lescha ei cussa digl uffeci communal da taglia, aschilunsch che la vischnaunca ei cumpetenta persuerter.

<sup>2</sup> Gl'uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnaucas.

<sup>3</sup> La vischnaunca sa delegar a tiazas persunas sias incumbensas tenor las alineas 1 e 2.

### **2.       INCASSAMENT**

#### **Art. 13   Scadenza**

<sup>1</sup> Las taglias sin las entradas e sin la facultad scadan la fin digl onn fiscal.

<sup>2</sup> La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

<sup>3</sup> La scadenza dalla taglia sil gudogn entras la vendita da schischom sco era la taglia d'ierta e sin donaziuns sedrezza tenor il dretg cantunal.

<sup>4</sup> Las ulteriuras taglias sco era las multas disciplinaras scadan cun la facturaziun.

<sup>5</sup> Alla fin dall'obligaziun da pagar taglia en Svizra ni cun la declaraziun da concuors scada mintga taglia ni mintga multa immediatamein.

#### **Art. 14 Termin da pagament**

<sup>1</sup> Cun resalva dall'alinea 2 ein las taglias e las multas disciplinaras da pagar enteifer 90 dis dapi la scadenza.

<sup>2</sup> Il termin da pagament dalla taglia sin il gudogn entras la vendita da schischom sco era dalla taglia d'ierta e donaziuns sedrezza tenor il dretg cantunal.

<sup>3</sup> La taglia sin schischom incassada separadamein ei da pagar enteifer 30 dis dapi sia scadenza.

<sup>4</sup> Per las taglias sin las entradas e sin la facultad sco era per la taglia sin schischom incassada ensemen cun quellas, sa la suprastonza communal a decider in pagament en ratas per gl'onn che suonda gl'onn fiscal.

<sup>5</sup> Alla fin dall'obligaziun da pagar taglia en Svizra ni cun la declaraziun da concuors sto mintga taglia ni mintga multa vegnir pagada immediatamein.

#### **Art. 15 Relasch da taglia**

Davart las damondas da relasch e davart las amortisaziuns administrativas decidan:

- a) gl'uffeci communal da taglia entochen gl'import da 1'000.— francs per onn e per cass;
- b) la suprastonza communal per ils imports che survargan la summa suramenziunada.

### **3. INDEMNISAZIUN**

#### **Art. 16 Indemnisaziun per incassament**

La vischnaunca da Medel/Lucmagn vegn indemnisada dallas baselgias cantunales e dallas pleivs cun 2 pertschien dallas taglias ch'ei vegnidas incassadas.

## **IV. Disposiziuns finalas**

---

#### **Art. 17 Entrada en vigur**

<sup>1</sup> La lescha ei vegnida acceptada ils 23 d'avrel 2008 dalla radunonza communal. Igl 1. da december 2020 ei ella vegnida revedida parzialmein entras la suprastonza communal. Ella entra en vigur ils 01-01-2009 resp. la revisiun parziala ils 01-01-2021 e remplazza la lescha da taglia dils 15-12-1968.

<sup>2</sup> Cun l'entrada en vigur da questa lescha ein tut las disposiziuns dalla vischnaunca che stattan en cuntradicziun cun ella abrogadas.

Il president communal:

Il canzlist communal:

Rico Tuor

Valentin Pally

Approbau dalla Regenza dil cantun Grischun tenor conclus dils \_\_\_\_\_, protocol nr. \_\_\_\_\_.

Il president:

Il cancelier:

Dr. Mario Cavigelli

Daniel Spadin